

詩  
法  
指  
南

詩法指南卷二

蕭山蔡

鈞

及

七律論

高棟曰。七言律詩。又五言之變也。在唐以前。沈君攸  
七言儷句。已肇律體。唐初始專此體。

楊士弘曰。七言律難於五言律。七言下字較粗實。五  
言下字較細嫩。七言若可截作五言。便不成詩。須  
字字去不得。方是所以句要藏字。字要藏意。如連

珠不斷方妙

沈確士曰七言律平叙易於徑直雕鏤失之佻巧比五言更難

胡元瑞曰近體莫難於七言律五十六字之中意若貫珠言若合璧其貫珠也如夜光走盤而不失廻旋曲折之妙其合璧也如玉匣有蓋而絕無參差扭捏之痕綦組錦繡相鮮以爲色宮商角徵互合以成聲思欲深厚有餘而不可失之晦情欲纏綿不迫而不可失之流肉不可使勝骨而骨又不可太露辭不可使勝氣而氣又不可太揚莊嚴則清

廟明堂沉着則萬鈞九鼎變幻則淒風急雨一篇  
之中必數者兼備乃稱全美迄唐高岑明淨整齊  
所乏遠韻王李精華秀朗時覺小疵學者步高岑  
之格調合王李之風神加以工部之雄深變幻七  
律能事畢矣

詩法要標律詩五言七言語句雖殊法律則一起句  
尤難須先高占地步不可苟且中兩聯有共一意  
者有各意者若上聯共意則下聯須各意前聯咏  
狀則後聯須說人事隔聯字忌相似頸聯轉意須  
要變化多下實字少下虛字自然響亮而句健矣

其尾聯要開一步別運生新意結之亦有應合起  
意作結者

王世貞曰七言律不難於中二聯難於發端及結句  
耳其篇法有起有束有放有斂有喚有應大抵一  
開則一闔一揚則一抑一象則一意無偏用者句  
法有直下者有倒插者倒插最難非老杜不能也  
字法有虛有實有沉有響虛響易工沉實難至五  
十六字如魏明帝凌雲臺材木銖兩悉配乃可耳  
篇法之妙有不見句法者句法之妙有不見字法  
者此是法極無迹人猶能之至境與天會未易求

也有俱屬象而妙者有俱屬意而妙者有俱作高調而妙者有直下不對偶而妙者皆興詣而神合氣完使之然

麓堂詩話人但知律詩起結之難而不知轉語之難第五第七句尤宜着力

范德機曰絕句若先得後二句律詩先得中聯此最作詩大病有起而後有承有承而後有轉有轉而後有合此秩然之序也若先得後二句則於起承必不貫串先得中聯而後得首尾則起語必不出於自然如老杜一片花飛滅却春及老去悲秋強

自寬等作豈先得中聯者作詩最難起句中聯最要得體

朱東岳曰趙嘏憶山陽領聯云菱荷香遠垂鞭袖楊柳風橫弄笛船垂鞭宜在楊柳之下橫船宜在菱荷之中故作錯綜互寫自見變化之妙

又曰唐人三四多用側卸而下最是好手如許渾灞上逢元九何人更結王生襪此客空彈貢禹冠是也他如楊巨源古意贈王常侍組紉常在佳人手刀尺空勞寒女心又贈張將軍知愛魯連歸海上肯令王翦在頻陽如李商隱籌筆驛徒令上將揮

神筆終見降王走傳車如杜牧登高塵世難逢開口笑菊花須插滿頭歸如趙嘏東望兩見梅花歸不得每逢寒食一潸然如崔塗鸚鵡洲曹公尚不能容物黃祖何因反愛才如韓偓午睡夢江外兄弟空庭日午獨眠覺旅夢天涯和兄迴曹松南海旅次爲客正當無雁處故園誰道有書來皆唐人名句此法不可不知

仇滄柱曰律詩中二聯須用虛實相生如老杜鄭駙馬宅宴洞中詩三四春酒杯濃琥珀薄水漿枕碧瑪瑙寒叙事濃麗五六悞疑茅堂過江麓已入風



磴。蘿。雲。端。寫。景。蕭。疎。前。實。後。虛。乃。安。頓。章。法。也。至。  
琥。珀。盃。瑪。瑙。梳。言。主。家。器。物。之。瑰。麗。若。三。字。連。用。  
易。近。于。俗。將。盃。梳。倒。拈。在。上。而。濃。薄。碧。寒。四。字。互。  
映。生。姿。得。化。腐。爲。新。之。法。

朱東岳曰。王維詩。漢主離宮接露臺。秦川一半夕陽。  
開。青。山。盡。是。朱。旗。遶。碧。澗。翻。從。玉。殿。來。新。豐。樹。裏。  
行。人。度。小。苑。城。邊。獵。騎。回。聞。道。甘。泉。能。獻。賦。懸。知。  
獨。有。子。雲。才。題。是。和。太。常。溫。泉。寓。目。曰。寓。目。者。目。  
中。之。所。望。所。見。也。目。之。所。望。必。從。遠。而。及。近。目。之。  
所。見。由。自。邊。而。及。中。譬。如。善。畫。者。於。筆。墨。之。或。濃。

或○淡○以○分○形○勢○之○爲○遠○爲○近○而○善○觀○畫○者○亦○卽○於○  
濃○淡○遠○近○之○間○而○知○何○者○爲○起○筆○何○者○爲○落○筆○分○  
其○界○限○看○其○層○次○而○作○詩○之○法○亦○然○正○所○謂○詩○中○  
有○畫○也○一○漢○主○離○宮○卽○指○溫○泉○接○露○臺○言○自○始○皇○  
露○臺○祠○邊○而○起○也○二○秦○川○夕○陽○言○自○長○安○秦○川○而○  
往○半○程○卽○見○樓○臺○此○寓○目○者○由○遠○而○及○近○也○三○四○  
實○寫○溫○泉○然○三○猶○通○寫○合○宮○言○儀○衛○旌○旗○圍○繞○滿○  
山○也○四○方○寫○湯○殿○言○泉○流○灌○輸○迴○環○殿○旁○也○此○寓○  
目○者○由○邊○而○及○中○也○五○六○就○宮○中○所○見○言○之○此○卽○  
甘○泉○賦○料○以○子○雲○比○太○常○句○中○有○托○諷○意○

黃維章曰老杜和賈舍人詩五夜漏聲催曉箭九重  
春色醉仙桃旌旗日煖龍蛇動宮殿風微燕雀高  
朝罷香烟攜滿袖詩成珠玉在揮毫欲知世掌絲  
綸美池上於今有鳳毛此詩合賈至王維岑參互  
看方知老杜作法之高匠心之苦題是早朝開口  
同拈早意賈則銀燭朝天紫陌長王則絳幘雞入  
報曉籌岑則雞鳴紫陌曙光寒俱實說早字杜曰  
五夜漏聲催曉箭從夜言早先一步說催字尤寫  
出臣子夜坐待旦心事次句同拈春色賈則禁城  
春色曉蒼蒼岑則鶯囀皇州春色闌俱板填色字

杜曰九重春色醉仙桃。謂日將升而東方紅氣現也。描寫色中之况。深一層說。聯內同拈大明宮意。王則九天闔闔開宮殿。岑則金闕曉鐘開萬戶。俱實說宮中。杜曰宮殿風微燕雀高。以宮外之景物擴一步說。賈之百轉流鶯遶建章。亦屬宮外景物。然語直而味有盡。不如微高二字之曲折。聯內同拈朝意。賈則劍珮聲隨玉墀步。王則萬國衣冠拜冕旒。岑則玉階仙仗擁千官。俱實寫朝字。杜但以朝罷二字點綴人詳我畧。至於同用爐烟香氣。賈則衣冠身惹御爐香。王則香烟欲傍袞龍浮。俱正

說殿內烟况。杜曰：朝罷香烟携滿袖，從出殿遲一步。說衣冠袞龍，不如滿袖之奇，爲惹爲浮，不如携歸之奇也。同用鳳池故事，賈則共沐恩波，鳳池上王則珮聲歸到鳳池頭。岑則獨有鳳凰池上客，俱實用全用杜曰：池上於今有鳳毛，以鳳池入超宗之鳳毛，析用翻用，無復用事之跡。同用日動同用旌旗，而王之曰：色纔臨仙掌，動岑之柳拂旌旗，露未乾，視杜之旌旗日煖，龍蛇動奇，平淺深判然相隔矣。學者不可不奉爲程式。

近軒偶錄詩家有避實擊虛之法，如王建早春午門

西望詩是也。百官朝下午門。西塵起。春風滿御堤。  
黃帕蓋鞍呈過馬。紅羅纏項鬪回雞。館松枝重墻  
頭出。渠柳條長水面齊。惟有敎坊南草色。古城陰  
處冷淒淒。首曰百官朝下。春風滿堤。三四卽承寫  
百官之春風。未爲不可。此偏寫馬寫雞。言物類遭  
時得君。亦能顧盼自豪。則朝下午門者可知矣。又  
詩家有翻出本色之法。如王建早秋過龍武李將  
軍書齋是也。高樹蟬聲秋巷裏。朱門冷靜似閒居。  
重裝墨。畫數莖竹。長著香。熏一架書。語笑侍兒知。  
禮數吟哦野老任。狂疎就中愛讀英雄傳。又說功

勳恐不如看他。不寫將軍之勇。與智。偏寫將軍之  
畫。與書。曰。重裝。曰。香熏。直寫到將軍天性。人欲不  
僅空空寫看畫讀書已也。又如王建贈崔杞駙馬  
云。鳳凰樓閣連宮闕。天子崔郎自愛貧。金埒減  
栽藥地。玉鞭平與賣書人家。中絃管聽常少。分  
外詩篇看却新。一月一迴陪內宴。馬蹄猶厭踏香塵。  
看他。不寫駙馬如何游俠。卻寫駙馬如何清貧。試  
思寫駙馬清貧。從何處着筆。妙於樓閣連宮。天子  
崔郎。下接出金埒。玉鞭。絃管。詩篇等意。脫盡香粉  
氣。又不落酸餽氣。確是當今愛壻。樂清貧。非他

平常駙馬之可比此皆唐人不傳之秘細玩自得  
沈確士曰溫庭筠蘇武廟頸聯云回日樓臺非甲帳  
去時冠劍是丁年李商隱馬嵬頸聯云此日六軍  
同駐馬當時七夕笑牽牛俱屬逆挽法法律詩得  
此化板滯爲跳脫矣

朱東昌曰韋莊憶昔頸聯云西園公子名無忌南國  
家人號莫愁按焦竑筆乘云莫愁爲南國佳人此  
實語也選詩公子愛敬客終夜不知疲清夜遊西  
園飛蓋相追隨則西園公子乃子建事謂名無忌  
可乎不知南國佳人不必莫愁也而以莫愁當之



西園公子本非無忌也。而以無忌當之。此蓋詩家活法。不可板求也。不然。豈有韋莊之才。如此曠曠乎學詩者。要曉得。

瀛奎律髓陸放翁山行過僧菴不入詩垣屋參差竹塢深舊題名處懶重尋茶爐烟起知高興棊子聲疎譏苦心淡日暉暉孤市散殘雲漠漠半川陰長吟未斷清愁起已見橫林宿暮禽此題目甚奇山行是一節過僧菴而不入又似是兩節垣屋參差竹塢深只此一句便見山行而過僧菴及過僧菴而不入矣舊題名處懶重尋卽是會遊此菴而今

懶入矣。茶爐烟起，知高興。此謂不入菴而遙見煮  
茶之烟，想像此僧之不俗也。棋子聲疎，識苦心。則  
妙之又妙矣。聞碁聲而不得觀其碁，固已甚妙於  
棋聲疎緩之間，想見棋者用心之苦。此所謂妙之  
又妙也。過僧菴而不入，盡在是矣。淡日殘雲，下一  
聯及末句結，乃結煞山行一段餘意。前輩詩例如  
此，可以爲準。

蘇東坡曰：七言之偉麗者，子美云：旌旗日煖龍蛇動，  
宮殿風微燕雀高。五更鼓角聲悲壯，三峽星河影  
動搖。爾後寂寞無聞。歐陽永叔云：蒼波萬古流不

盡○白○鳥○雙○飛○意○自○閒○又○萬○馬○不○嘶○聽○號○令○諸○番○無○  
事○樂○耕○耘○可○以○並○驅○爭○先○矣○小○生○亦○云○令○嚴○鐘○鼓○  
三○更○月○野○宿○貌○貅○萬○竈○烟○又○露○布○朝○馳○玉○關○塞○捷○  
書○夜○到○甘○泉○官○亦○庶○幾○焉○爾○

沈確士曰○七律結意要蘊藉○如王維興慶閣道中春  
望詩結云○爲乘陽氣行○時令不是良遊玩○物華寓  
規○千○頌○臣○子○立○言○方○爲○得○體○又○出○塞○作○落○句○玉○靶○  
角○弓○珠○勒○馬○漢○家○將○賜○霍○嫖○姚○結○得○形○弓○超○兮○受○  
言○藏○之○之○意○李○願○送○魏○萬○之○京○詩○莫○是○長○安○行○樂○  
處○空○令○歲○月○易○蹉○跎○結○意○勉○以○立○功○若○曰○勿○以○長○

安爲行樂之地而蹉跎無成也。又送司勳盧員外  
詩結云早晚薦雄文。似者故人今已賦長揚。望人  
薦引。却能自占身分。

馬誠所詩說律詩從來解作法律之律。非也。乃是六  
律之律。近體有音調。從頭至尾。都自一意。自相接  
續。照顧如六律相生。故曰律。

近軒偶錄七言排律。亦肇端六朝而唐間用之。故詩  
不多。如梁江總閨怨詩。寂寂青樓大道邊。紛紛白  
雪綺窗前。池上鴛鴦不獨自。帳中蘇合還空然。屏  
風有意障明月。燈火無情照獨眠。遼西水凍春應

少。薊。北。鴻。來。路。幾。千。願。君。關。山。及。早。渡。念。妾。桃。李。  
片。時。妍。如。唐。李。青。蓮。別。山。僧。詩。何。處。名。僧。到。水。西。  
乘。舟。弄。月。宿。涇。溪。平。明。別。我。上。山。去。手。携。金。策。踏。  
雲。梯。騰。身。轉。覺。三。天。近。舉。足。回。看。萬。樹。低。謔。浪。首。  
居。支。遁。下。風。流。還。與。遠。公。齊。此。度。別。離。何。日。見。相。  
思。一。夜。瞑。猿。啼。又。老。杜。題。鄭。十。八。詩。台。州。地。濶。海。  
冥。冥。雲。水。長。和。島。嶼。青。亂。後。故。人。雙。別。淚。春。深。逐。  
客。一。浮。萍。酒。酣。懶。舞。誰。相。拽。詩。罷。能。吟。不。復。聽。第。  
五。橋。東。流。恨。水。黃。陂。岸。北。結。愁。亭。賈。生。對。鵬。傷。王。  
傅。蘇。武。看。羊。陷。賊。庭。可。念。此。心。懷。直。道。也。霑。新。國。

用輕刑。彌衡實恐遭江夏。方朔虛傳是歲星。窮巷  
悄然車馬絕。案頭乾死讀書螢。錄此以備一癆。

絕句論

近軒偶錄絕句者。截律詩半首而爲詩也。凡後二句  
對者是截律詩。前四句五言如高適詩。柳色驚心  
事春風。厭索居方知。一杯酒。猶勝百家書。七言如  
樂天詩。驚風吹起塞鴻羣。半拂平沙半入雲。爲問  
昭君月下聽。何如蘇武雪中聞。是也。前二句對者  
是截律詩。後四句五言如朱長通詩。歲月人間促  
烟霞此地多。殷勤竹林寺。更得幾回過。七言如崔

塗詩五千里外三年客。十二峯前一望秋。無限別  
魂招不得。夕陽西下水東流。是也。全篇皆對者是。  
截律詩中四句五言。如錢起詩。藥徑深紅蘚。山窻  
明翠微。羨君花下醉。蝴蝶夢中飛。七言如老杜詩。  
沈。范。早。知。何。水。部。曹。劉。不。待。薛。郎。中。獨。當。省。署。開。  
文。苑。兼。泛。滄。浪。學。釣。翁。是。也。全。不。對。者。是。截。律。詩。  
首。尾。四。句。五。言。如。杜。牧。詩。稚。子。牽。衣。問。歸。來。何。太。  
遲。共。誰。爭。歲。月。贏得。鬢。成。絲。七。言。如。太。白。詩。駿。馬。  
驕。行。踏。落。花。垂。鞭。直。拂。五。雲。車。美。人。一。笑。褰。珠。箔。  
遙。指。紅。樓。是。妾。家。是。也。

范梈曰。絕句詩。或對或不對。雖正變不齊。而首尾布置。亦由四句爲起承轉合。未嘗不與律同條而共貫也。

### 五絕

漫堂說詩。五言絕句。起自古樂府。至唐而盛。李白崔國輔。號爲擅長。王維裴迪。輞川唱和。開後來門徑。不少錢劉章柳。古澹清逸。多神采之句。所謂好詩。必是拾得也。歷代佳什。往往而有。要之詞簡而意長。正難率意措手。

蕭士贇曰。絕句如太白秋浦歌。白髮三千丈。緣愁似



箇長不知明鏡裏何處得秋霜此詩殢形泥跡之  
人多致疑三千丈之語蓋詩人遣興之辭極其形  
容耳當不以文害辭不以辭害意可也第二句緣  
愁似箇長意亦可見後聯云不知明鏡裏何處得  
秋霜活活脫脫真作家手段又玉階怨詩玉階生  
白露夜久侵羅襪却下水晶簾玲瓏望秋月此篇  
無一字言怨而隱然幽怨之意見於言外晦庵所  
謂聖於詩者與後人於此問津焉可也

徐子擴曰高蟾咏漁家云野水千年在閒花一夕空  
近來浮世狹何事釣船中言釣船之安勝於世變

之危三句應第二句四句應首句此絕句之一法  
沈確士曰五絕如蘇頲汾上驚秋詩北風吹白雲萬  
里渡河汾心緒逢搖落秋聲不可聞此一氣流注  
中仍復含蓄五言佳境也王維臨高臺送人詩相  
送臨高臺川原杳無極日暮飛鳥還行人去不息  
此寫離情能不露情態最高韋應物聞雁詩故國  
渺何處歸思方悠哉淮南秋雨夜高齋聞雁來歸  
思後說聞雁其情自深一倒轉說則近人能之矣  
金昌緒春怨詩打起黃鸝兒莫教枝上啼啼時驚  
妾夢不得到遼西此一氣蟬聯而下者諸詩均足

爲式

七絕

胡元瑞曰七言絕句卽古短歌之變也。七言短歌始  
于垓下。梁陳以降作者全然。第四句之中二韵互  
叶。轉換旣迫。音調未舒。至唐諸子一變而律呂鏗  
鏘。句格穩順。語半於近體。而意味深長。過之節促  
於歌行。而咏嘆悠永。倍之。遂爲百代不易之體。  
沈確士曰七言絕句以語近情。遙含吐。不露爲貴。只  
眼前景。口頭語。而有絃外音。伊人神遠。太白有焉。  
如越中懷古詩。越王勾踐破吳歸。戰士還家盡錦

衣。宮。女。如。花。滿。春。殿。祇。今。惟。有。鷓。鴒。啼。三。句。說。盛。  
一。句。說。衰。其。格。獨。創。又。下。江。陵。詩。朝。辭。白。帝。彩。雲。  
間。千。里。江。陵。一。日。還。兩。岸。猿。聲。啼。不。住。輕。舟。已。過。  
萬。重。山。入。猿。聲。一。句。文。勢。便。不。傷。于。直。學。者。須。看。  
古。人。用。意。處。

徐子擴曰周彌伯弼作唐詩三體以王昌齡故園今  
在。潮。陵。西。江。畔。逢。君。醉。不。迷。小。弟。隣。莊。尙。漁。獵。二。  
封。書。寄。數。行。啼。之。篇。爲。第。三。句。實。接。體。大。抵。絕。句。  
詩。以。實。事。寓。意。而。接。則。轉。換。有。力。若。斷。而。續。外。振。  
起。而。內。不。失。于。平。安。前。後。相。應。雖。止。四。句。而。有。含。

蓄不盡之意

詩法要標絕句之法。要婉曲迴還。刪蕪就簡。句絕而意不絕。多以第三句爲主。第四句發之。有實接有虛接。承接之間。開與闔相關。反與正相依。順與逆相應。一呼一吸。宮商自諧。若掉景入情。此絕句之妙悟也。如張繼楓橋夜泊詩。月落烏啼。霜滿天。江楓漁火對愁眠。姑蘇城外寒山寺。夜半鐘聲到客船。此爲實接。司空曙江村詩。罷釣歸來不繫船。江村月落正堪眠。縱然一夜風吹去。只在蘆花淺水邊。此爲虛接。大抵絕句起承二句固難。然不過平

直叙起爲佳。從容承之爲是。至如宛轉變化工夫。全在第三句。若於此轉變得好。則第四句如使順水之舟矣。

香泉偶贅絕句好處。都在收處見。若收結無味。便通篇索然。然而結意。先在起手時便具。則落筆作首句時。更不易。

胡應麟曰。自少陵絕句對結。詩家率以半律訊之。然絕句自有此體。如岑參凱歌。丈夫鵲印搖邊月。大將龍旗掣作雲。又洗兵魚海。雲迎陣秣馬龍堆。月照營等句。皆雄渾高華。後世咸所取法。卽半律何

傷

仇滄柱曰。截律詩首尾上下皆用散體者。如少陵贈  
太白詩。秋來相顧尚飄蓬。未就丹砂愧葛洪。痛飲  
狂歌空度日。飛揚跋扈爲誰雄。是也。其下截似對  
而非對。痛飲對狂歌。飛揚對跋扈。此句中自對法  
也。空度日對爲誰雄。此兩句又互相對也。語平意  
側。方見流動之意。

詩範絕句以第二字仄入者爲正。平入者爲偏。五言  
七言俱然。有四異格。每句各一意。如杜詩。遲日江  
山麗。春風花草香。泥融飛燕子。沙暖睡鴛鴦。又漫

興詩。糝徑。楊花。鋪白。瓊點。溪荷。葉疊。青錢。荀根。稚  
子。無人。見。沙上。鳬。雛。傍。母。眠。是也。詩有。叢。雜。病。如  
沈休文詩。寒瓜。方。臥。壘。秋。菰。正。滿。陵。紫。茄。分。爛。熳。  
綠。芋。鬱。參。菱。瓜。茄。菰。芋。同。是。草。類。是。叢。雜。也。有。落  
節。病。如。菊。花。好。泛。酒。榴。花。好。插。頭。一。篇。中。各。春。秋。  
是。犯。也。有。相。反。病。如。晴。雲。開。遠。野。積。霧。掩。長。州。兩  
句。相。反。失。其。理。也。有。相。重。病。如。驅。馬。清。渭。濱。飛。鏢。  
犯。夕。塵。川。波。增。遠。興。山。月。下。重。輪。四。句。詩。意。并。物。  
色。重。疊。也。

胡元瑞曰。五言絕。尚。真。切。質。多。勝。文。七言絕。尚。高。華。



文多勝質。五言絕。昉於兩漢。七言絕。起自六朝。源流迥別。體製各殊。至意。當含蓄。語務春容。則二者一律也。

五古論

徐伯魯曰。五言古詩。始於西漢。蘇武。李陵。嗣是汪洋于漢魏。汗漫于晉宋。至於陳隋。而古調絕矣。唐初承前代之弊。幸有陳子昂起而振之。遏貞觀之微波。決開元之正派。號稱中興。於時李杜王孟相繼而起。元和以下。遂響復息。至論其體。則劉勰所云。五言流調清麗。居宗者是也。他如扶風歌。五君詠。

夏日嘆等篇。雖云五言實爲雜體。學者詳之。

詩範五言。短古只是選詩。結尾四句。所以含蓄無限。意自然悠長。

李之用曰。五言長古。每篇僅可數韻。未有連篇累牘。至數十韻者。及唐至有百餘韻。如昌黎石鼎。閩雞。城南諸篇。辭澀殆不可讀。則爲長所累矣。學者當取佳者爲法。

麗堂詩話。長篇中須有節奏。有操。有縱。有正。有反。若平鋪穩布。雖多無益。

沈確士曰。古風短篇。突然而起。悠然而止。不必另綴。

起結長篇必鋪叙有倫起結整齊方爲合格

范梈曰五言長篇法有四要曰分段過脉迴照讚嘆

先分爲幾段幾節每節句數多少要畧均齊首段是叙乎一篇之意皆含在其中結段要照應起段

且選詩分段節數要均三句則皆三句四句六句

八句則皆不參差惟杜工部夔州後詩間有錯綜

然亦不太長太短也次要過句名爲血脉此處用

兩句一結上一生下也回照謂十步一回頭以照

題目又五步作一消息語以讚嘆之方不甚迫促

長篇怕雜亂一意爲一段以上四法備於老杜北

征詩舉一隅之道也

沈確士曰五言古體唐陳伯玉張曲江李供奉三家  
爲最。伯玉感遇詩十六首如首章云蘭若生春夏  
芊蔚何青青。幽獨空林色。朱蕤冒紫莖。遲遲白日  
晚。嫋嫋秋風生。歲華盡搖落。芳意竟何成。卽此已  
見追建安之風骨。變齊梁之綺靡。寄興無端。別有  
天地。曲江感遇詩九首如首章云蘭葉春葳蕤。桂  
華秋皎潔。欣欣似生意。自爾爲佳節。誰知林棲者  
聞風坐相悅。草木有本心。何求美人折。極其蘊藉  
本原。與伯玉同出嗣宗而精神面目各別。所以千

古○至○草○木○有○本○心○何○求○美○人○折○二○句○想○見○君○子○立○  
品○卽○昌○黎○不○采○而○佩○于○蘭○何○傷○意○太○白○古○風○十○五○  
首○不○矜○才○不○使○氣○亦○原○本○阮○公○風○格○俊○上○如○沙○邱○  
城○下○寄○杜○甫○詩○我○來○竟○何○事○高○臥○沙○邱○城○城○邊○有○  
古○樹○日○夕○連○秋○聲○魯○酒○不○可○醉○齊○歌○空○後○情○思○君○  
若○汶○水○浩○蕩○寄○南○征○有○餘○地○有○餘○情○此○詩○家○正○聲○  
也○學○者○於○三○家○求○之○有○餘○師○焉○

近軒偶錄詩貴一語百情而前後要有條理如少陵  
羌○村○第○一○章○云○崢○嶸○赤○雲○西○日○脚○下○平○地○柴○門○鳥○  
雀○噪○歸○客○千○里○至○此○四○句○說○旅○人○初○至○家○而○喜○也○

接云。妻孥怪我在。驚定還拭淚。世亂遭飄蕩。生還  
偶然遂。鄰人滿牆頭。感嘆亦歔歔。叶音戲夜闌更秉  
燭。相對如夢寐。此八句記悲歡交集之狀。婉轉周  
至。是爲詩家正宗。

胡元瑞曰。四言簡質。句短而調未舒。七言浮靡。文繁  
而聲易雜。折繁簡之衷。居文質之要。蓋莫尙於五  
言。故兩漢以還。文人藝士。平生精力。咸萃於斯。

### 七古論

徐伯魯曰。七言古詩。始於柏梁。聲長字縱。易以成文。  
其蘊氣。琬詞。與五言畧異。漢魏諸作。旣多樂府。唐

代名家又多歌行。故此類佳者亦希。然樂府歌行貴抑揚頓挫。古詩貴優柔和平。循守法度。其體自不同也。

范梈曰。七言古詩要鋪叙要開闔要風度要迢遞最忌庸俗軟腐。

閩潭詩法古風者。稍異古詩。亦可用長短句也。用韻或長篇到底一韻。或數句一換。但要句法蒼老。意格高古。不落時徑。長篇一韻到底。每易平衍。雖意義層出。終乏瀟灑瀟漫之觀。不若數句換韻爲妙。

范梈曰。七言長古篇法有八。曰分段。過段。突兀。字貫。讚嘆。再起。歸結。送尾。分段如五言過段亦如之。稍有異者。突兀萬勿則不用過句。陡頓便說他事。字貫前後重三疊四。用兩三字貫串極精神。好誦讚嘆如五言再起。且如一篇三段。說了前事再提起。從頭說去。謂反覆有情。如老杜魏將軍歌。松子障歌。是也。歸題乃本末一二句繳上起句。又謂之顧首。如蜀道難古別離。洗兵馬行是也。送尾則生一段餘意結末。或反用。或比喻。用如墜馬歌曰。君不見嵇康養生被殺戮。又曰。如何不飲令人哀。長篇。



有此便不迫促甚有從容意思。

謝榛曰。七言長古之法。如波濤初作。一層緊於一層。拙句不失大體。巧句不害正氣。鋪敘意不可盡力。不可竭。貴有變化之妙。

沈確士曰。古風如突兀起。不妨平接。如老杜于劉少府新畫山水障歌。堂上不合生楓樹。下接聞君掃卻赤縣圖。是也。平調起。必須用警語接。如雙松圖歌。天下幾人畫古松下。接絕筆長風起。纖末是也。又曰。七言古。高適燕歌行如少婦城南欲斷腸。征人薊北空回首。中帶整句。方不散漫。若李杜風雨分。

飛魚龍變化又不可一論。至太白梁甫吟以氣勝。故拉雜使事而不見其迹。若不善學之。恐意氣粗豪。雜出不倫矣。作詩不可不防其漸。

近軒偶錄七古段落要分明。還題亦同排律。如少陵送孔巢父歸遊江東兼呈李白詩。章分三段。首段巢父掉頭不肯住。東將入海隨烟霧。詩卷長留天地間。釣竿欲拂珊瑚樹。此四句叙巢父往江東而首句尤起得飄忽。次段深山大澤龍蛇遠。春寒夜陰風景暮。蓬萊織女回雲車。指點虛無是征路。此四句寫東遊景。其語縹緲恍惚。原出于騷。三段自

是君身有仙骨。世人那得知其故。惜君只欲苦死  
留富貴。何如草頭露。此四句稱其隱志已決。末段  
蔡侯靜者意有餘。清夜置酒臨前除。罷琴惆悵月  
照席。幾歲寄我空中書。南尋禹穴見李白。道甫問  
訊今何如。此六句結出送孔呈李之意。段落還題  
極其分明。此學者之正鵠也。

詩範長篇古體參差中出整齊語。猶是筆力。最戒是  
對非對。但涉江湖熱鬧語。便卽鄙俗。但用通用字。  
卽軟弱。軟弱易療。鄙俗難醫。

古詩尤妙在形容。所謂鏡花水月。言外之言。宋以後

則直陳之矣。求工於句字，心勞而日拙也。

### 樂府歌行論

徐伯魯曰：樂府者，樂官肄習之樂章也。

胡元瑞曰：三百篇薦郊廟，被絃管，詩卽樂府。樂府卽

詩。猶兵寓於農，未嘗二也。詩亡，樂廢。屈宋代興，九

歌等篇以侑樂。九章等作以抒情，而岐途兆矣。至

漢郊祀十九章，與古詩十九首，不相爲用。詩與樂

府門類始分，然厥體未甚相遠。如青青園中葵，盈

盈樓上女，靡非樂府也。自魏文兄弟，酬唱新什，更

創五言，節奏格調，迥與古異。自是有專工古詩者，

有偏長。樂府者。梁陳而下。樂府古詩。變爲律絕。唐人李杜高岑。名爲樂府。實則歌行。下此益入。卑庸怪麗矣。唐末五代。復變詩餘。宋人之詞。元人之曲。製作紛紛。皆曰樂府。不知古樂其亡久矣。

徐伯魯曰。樂府命題。名稱不一。蓋自琴曲之外。其放情長言。雜而無方。曰歌。步驟馳騁。疏而不滯。曰行。兼之曰歌行。述事本末。先後有序。以抽其意者。曰引。高下短長。委曲盡情。以道其微者。曰曲。吁嗟慨嘆。悲憂深思。以伸其鬱者。曰吟。因其措辭之意。曰詞。本其命篇之意。曰篇。發歌曰唱。條理曰調。憤而

不怒曰怨。感而發言曰歎。皆詩之變體。而總謂之樂府。

譚苑醍醐古樂府云。暫出白門前。楊柳可藏烏。歡作沉水香。儂作博山爐。李白用其意。衍爲楊叛兒歌。曰。君歌楊叛兒。妾勸新豐酒。何許最關情。烏啼白門柳。烏啼隱楊花。君醉留妾家。博山爐中沉香火。雙烟一氣凌紫霞。古樂府云。朝見黃牛。暮見黃牛。三朝三暮。黃牛如故。李則云。三朝見黃牛。三暮行太遲。三朝又三暮。不覺鬢成絲。古樂府云。郎今欲渡。畏風波。李白云。郎今欲渡。緣何事。如此風波不。

可行古樂府云春風復多情。吹我羅裳開。李反其意云。春風復無情。吹我夢魂散。如神僧拈佛祖語。信口無非妙道。

徐伯魯曰。按歌行。有有聲有詞者。樂府所載諸歌是也。有有詞無聲者。後人所作諸歌是也。其名多與樂府同。而曰咏曰謠曰哀曰別。則樂府所未有。蓋卽事命篇。既不沿襲古題。而聲調亦復相遠。乃詩之三變也。故今不入樂府。而以近體歌行括之。使學者知源之有自。而流之有別云。

胡應麟曰。古詩窘於格調。近體束於聲律。惟歌行出。

自離騷樂府大小短長錯綜閭閻素無定體故能  
極發人之才思今畧舉數篇青蓮搗衣曲杜陵洗  
兵馬皆脈絡分明句調緩暢最當取法

麓堂詩話古律詩各有音節然皆限於字數求之不  
難惟樂府長短句初無定數最難調疊然亦有自  
然之聲古所謂聲依永者謂有長短之節非徒詞  
句之永也今泥古之平仄長短句字字摹倣不  
敢失非惟格調有限亦無以發人之性情若往復  
諷咏久而自有所得于心而發之于聲則雖千  
變萬化如珠之走盤自不越乎法度之外矣如杜



子美桃竹杖篇。江心蟠石生桃竹。蒼波噴浸尺度足。斬根削皮如紫玉。江如水仙惜不得。梓潼使君開一束。滿堂賓客皆嘆息。惜我老病贈兩莖。出入瓜甲皆有聲。老夫復與東南征。乘時鼓枻白帝城。路幽必爲鬼神奪。仗劍或與蛟龍爭。重爲告曰。杖兮。杖兮。爾之生也甚正直。慎勿見水踴躍學變化。爲龍使我不得爾之扶持。滅跡于君山。湘上之青峯。噫。風塵瀕洞兮。豺虎咬人。忽失雙杖兮。我將曷從。此篇中重爲告曰一折。凌空設想。筆力橫絕。通章極其操縱。曷嘗按古人聲調而和順委曲。乃如

此固初學所未到。然學而不至。是亦未可以言詩也。

王世貞曰。歌行有三難。起調一也。轉節二也。收結三也。惟收爲尤難。如作平調。舒徐綿麗者。結須爲雅詞。勿使不足。令有一唱三嘆意。上是奔騰洶湧。驅突而來者。須一截便住。勿留有餘。中作奇語峻奪人魄者。須令上下脉相顧。一起一伏。一頓一挫。有力無節。方成篇法。

麓堂詩話。言歌詞貴簡遠。大風歌止三句。易水歌止二句。其感激悲壯。語短而意益長。曄缺歌止一句。

亦自有含悲飲恨之意。后世窮技竭力愈多而愈不及。予嘗題柯敬仲墨竹曰。莫將畫竹論難易。剛道繁難簡更難。君看蕭蕭祇數葉。滿堂風雨不勝寒。畫法與詩法通者此也。

近軒偶錄。漢武帝作柏梁臺。成詔羣臣能爲七言詩者上座。每句用韻。名柏梁體。如湯惠休白苧歌。少年窈窕舞君前。容華艷艷將欲然。爲君嬌凝復遷延。流目送笑不敢言。長袖拂面心自煎。願君流光爲盛年。又老杜太常卿大食刀歌。白帝城寒駐錦袍。立冬示我胡國刀。壯士短衣頭虎毛。憑軒拔鞘

天爲高。翻風轉日。木怒號。冰翼雲淡。傷哀。候。鐫錯。  
碧巖。鷓鴣膏。銚鏐已瑩。虛秋濤。伯龍國人。罷釣鰲。  
茨公迴首。顏色勞是也。

香泉偶贅竹枝詞。本出巴渝。唐劉禹錫在沅湘。以俚  
歌鄙陋。乃依騷人九歌作辭九章。教里中兒歌之。  
其音協黃鐘羽末。如吳聲。含思宛轉。有淇濮之艷。  
詞云。白帝城頭春草生。白鹽山下蜀江清。南人上  
來歌一曲。北人莫上奪鄉情。二云山桃紅花滿上  
頭。蜀江春水拍山流。花紅易衰。似郎意。水流無限  
似儂愁。三云。江上朱樓新雨晴。瀼西春水縠紋生。

橋東橋西好楊柳人來人去唱歌行四云日出三  
竿春霧消江頭蜀客駐蘭橈憑寄狂夫書一紙住  
在成都萬里橋五云兩岸山花似雪開家家春酒  
滿銀杯昭君坊里多女伴永安宮外踏青來六云  
瞿塘嘈嘈十二灘此中道路古來難長恨人心不  
如水等閒平地起波瀾七云巫峽蒼蒼烟雨時清  
猿啼在最高枝箇裏愁人腸自斷由來不是此聲  
悲八云城西門前滌滌堆年年波浪不能摧懊恨  
人心不如石少時東去復西來九云山上層層桃  
李花雲間烟火是人家銀鈿金釵來負水長刀短

笠去燒畬。

音牙

後人作竹枝詞者皆倣此。

詩法指南卷二終

詩法指南卷之三

蕭山蔡

鈞及心又  
字易園輯

近體諸格

破題格有五種。一曰就題用題目。便爲首句。如詠笛詩。羌笛寫龍聲。長吟入夜清。是也。二曰直致就題中。通變其事爲首句。如邊庭雪詩。萬里一片白。長空鳥不飛。是也。三曰離題外取首句。免有傷觸。如漁父詩。湘潭春水滿。湘岸草青青。是也。四曰粘題。



破題上下二句重用其字如昔年相別今又別今別還與昔別同是也五曰入亥取意句綿密可意會不可言傳如半夜長安雨燈前越客心不言送人而意在送人八月悲風九月霜蓼花紅淡葦條黃不言鴈而意在雁笑向何人談古詩繩床竹杖自扶持不言老僧而意在老僧

一字血脉格起聯用一有意字中二聯皆此字行其中故謂血脉與一字貫篇不同彼一字是着力字此一字是有意字如老杜詩久雨巫山暗新晴錦繡交碧知湖外草紅見海東雲竟日鶯相和摩霄

鶴數群。野花乾更落。風處更紛紛。此以一晴字爲  
血脉。如崔珣鴛鴦什。翠鬣紅衣舞夕暉。水禽情似  
此禽稀。暫分烟島。猶回首。只渡寒塘亦共飛。映霧  
乍迷朱屨。庭前校齊上。美人機。採蓮無限。蘭橈女  
笑。指中流。羨爾歸此。以一情字爲血脉也。  
一字貫篇格。起聯中立一着力字。中二聯俱要見此  
字意。領聯淺。頸聯深。結聯總言。亦要含所立字意。  
如皇甫冉途中送兄詩。淮海波濤起。江關幽思長。  
同悲鵲繞樹。獨坐雁隨陽。山晚雲和雪。汀寒月映  
霜。由來濯纓處。漁父愛滄浪。一幽字是着力字也。

二字貫串格起聯立二字或用二事中二聯分應之  
或倒應之或每聯各句應之結聯脫言亦要含意  
如老杜陪諸公子丈入溝携妓納涼遇雨詩雨來  
霑席上風急打船頭越女紅裙濕燕姬翠黛愁纔  
侵楊柳繫幔卷浪花浮歸路反蕭颯陂塘五月秋  
此領聯應雨頸聯應風分應者也又如秋興詩蓬  
萊宮闕對南山承露金莖霄漢間西望瑤池降王  
母東來紫氣滿函關雲移雉尾開宮扇日繞龍鱗  
識聖顏一臥滄江驚歲晚幾回青瑣點點與同朝班  
此以天子神仙二事爲主次聯先應神仙腰聯方

應天子名續腰格卽二事貫串而倒應之者如江  
村詩。清江一曲抱村流。長夏江村事事幽。自去自  
來梁上燕。相親相近水中鷗。老妻畫紙爲碁局。稚  
子敲針作釣鉤。多病所需惟藥物。微軀此外復何  
求。此每聯各句應者也。

數字連序格。領聯或頸聯句中。字與意連。序不斷。或  
五字。或七字。無上斷下斷。及二字三字數排句法。  
如李洞詩。圭峰秋後疊。亂葉落寒墟。四五百竿竹。  
二三千卷書。雲深猿盜栗。雨霽蠃沾蔬。只隔門前  
水。如同萬里餘。又如老杜詩。遷轉五州防。禦使起

居八座太夫人皆是

鈎瑣連環格自首至末句意相鈎連如首聯上句說  
好下句說不好領聯上句說不好下句說好頸聯  
末聯亦如之或以字相鈎連亦通如老杜詩清秋  
望不極迢遞起層陰遠水兼天淨孤城隱霧深葉  
稀風更落山迥日初沉獨鶴歸何晚昏鴉已滿林  
是也

單拋格首聯上句起下句單意說下領聯頸聯末聯  
或事或景皆應首句一順說去如老杜秋興詩昆  
明池水漢時功武帝旌旗在眼中織女機絲虛夜

月石鯨鱗甲動秋風波漂菰米沉雲黑露冷蓮房  
墜粉紅關塞極天惟鳥道江湖滿地一漁翁是也  
雙拖格首聯二句兩事並行叫起中二聯句句各含  
上兩事而未聯總結如吳融經汴路詩隋堤風物  
已淒涼堤下仍多古戰場金鏃有苔人拾得鐵衣  
無主鳥啣將秋聲暗促河聲急野色遙連日色黃  
獨上寒城正愁絕戍聲驚起雁行行是也又有雙  
拋句桃花細逐楊花落黃鳥時兼白鳥飛直從巫  
峽穿巴峽便下襄陽向洛陽又如九月九日望鄉  
臺他席他鄉送客杯鳥去鳥來山色裏人歌人笑

水聲中此皆雙拋法也

內剝格暗用本題事而取義於華內中二聯或先景  
后事或先事後景皆隱題於內至末聯方正言之  
如老杜禹廟詩禹廟空山裏秋風落日斜荒庭垂  
橘柚古屋畫龍蛇雲氣生虛壁江聲走白沙早知  
乘四載疏鑿控三巴又如玉臺觀詩中天積翠玉  
臺遙上帝高居絳節朝遂有馮夷來擊鼓始知羸  
女善吹簫江光隱見鼉鼉窟石勢參差烏鵲橋更  
有紅顏生羽翰伊應黃髮老漁樵皆是蓋主於賦  
者也

外。制。拾。取。他。事。明。題。意。而。更。取。義。於。事。外。中。二。聯。或。  
引。二。事。或。引。四。事。事。外。見。意。讀。者。自。得。之。如。靜。林。  
寺。梁。武。隱。所。有。鐘。磬。古。物。靈。一。詩。靜。林。溪。路。遠。蕭。  
帝。有。遺。踪。水。擊。羅。浮。磬。山。鳴。千。闌。鐘。燈。傳。三。世。火。  
樹。老。五。株。松。無。數。烟。霞。色。空。聞。昔。臥。龍。又。如。沈。佺。  
期。古。意。詩。盧。家。少。婦。鬱。金。香。海。燕。雙。樓。玳。瑁。梁。九。  
月。寒。砧。催。木。葉。十。年。征。戍。憶。遼。陽。白。狼。河。北。音。書。  
斷。丹。鳳。城。南。秋。夜。長。誰。爲。含。愁。獨。不。見。更。教。明。月。  
照。流。黃。是。也。此。詩。以。盧。家。少。婦。起。興。言。夫。婦。相。守。  
猶。彫。梁。之。燕。也。下。就。分。離。言。以。見。意。



前散後散格。領聯雖對而散。頸聯的對而整。謂之前散後整格。如李季蘭詩。無事鳥程縣。蹉跎歲月餘。不知芸閣吏。寂寞竟何如。遠水浮仙棹。寒星伴使車。因過大雷澤。莫忘幾行書。是也。又領聯的對而整。頸聯雖對而散。謂之前整後散格。如郎士元詩。墟落歲陰暮。桑榆烟景昏。蟬聲靜空館。雨色隔秋原。歸客不可望。悠悠林外村。終當報芸閣。携手醉柴門。是也。

前多後少格。首聯與次聯一意。頸聯自爲一意。落聯上句結前四句。下句結頸聯二句。或末聯統結前

意如老杜諸將詩回首扶桑銅柱標冥冥氛祲未  
全銷越裳翡翠無消息南海明珠久寂寞殊錫曾  
爲大司馬總戎皆挿侍中貂炎風朔雪天王地只  
在忠良翊聖朝是也

興兼賦格興與比相似只是有照應爲興無照應爲  
比賦者直陳其事也如老杜客至詩舍南舍北皆  
春水但見群鷗日日來花徑不曾緣客掃蓬門今  
始爲君開盤餐市遠無兼味樽酒家貧只舊醅肯  
與鄰翁相對飲隔離呼取盡餘杯此首聯興中二  
聯賦末聯興是也或前二句興而後四句賦或領

聯興而頸聯賦如司空曙經廢寺詩黃葉前朝寺  
無僧寒殿開池晴龜出曝松暝鶴飛回古砌碑橫  
草陰廊畫雜苔禪宮亦消歇塵世轉堪哀三四二  
句是說景物屬興五六兩句是說人事屬賦或興  
賦兼比每聯一句各自興賦比其法不同

興兼比格比者是以一物比一物而所指之事常在  
言外如老杜峽中覽物詩曾爲掾吏趨三輔憶在  
潼關詩興多巫峽忽如瞻華嶽蜀江猶似見黃河  
起聯興次聯比也又如韋承慶南行別弟詩澹澹  
長江水悠悠遠客情落花相與恨到地一無聲上

二句與下二句比也。以澹澹長江之水興起悠悠  
遠客之情。見此情與水俱無窮也。落花以比已之  
流徙。雖有口不得一伸訴與落花到地無聲何異  
哉。

句相照應格。以首聯起領聯。而領聯上句應首聯上  
句。下句應首聯下句。又以頸聯起末聯。而末聯上  
句應頸聯上句。下句應頸聯下句。前四句一意。後  
四句一意。而題意自照應。如老杜詩。藜杖侵寒露。  
蓬門啟曙烟。力稀經樹歇。老困撥書眠。秋覺追隨  
盡。來因孝友偏。清談見滋味。爾輩可忘年。是也。

明暗二例格明例如王貞白御溝水詩一派御溝水  
綠槐相蔭清此中涵帝澤無處濯塵纓鳥道來雖  
險龍池到自平朝宗心本切願向急流傾卽以御  
溝水起句是也暗例如老杜螢火詩幸因腐草出  
敢近太陽飛未足臨書卷時能點客衣隨風隔幔  
小帶雨傍林微十月清霜重飄零何處歸不說出  
螢火是也

接頂格首聯第一句起頸聯第二句方起領聯而領  
聯一句必接首聯第二句頸聯二句必接首聯第  
一句如老杜秋夜詩易識浮生理誰教一物違水

深魚樂極林茂鳥知歸吾老甘貧病榮華有是非  
秋風吹几杖不厭北山薇是也。

交股格第一第三第五句第二第四第六句各相起  
應詞意通貫交錯如股末句設爲問答以結之如  
老杜詩藥○府○孤○城○落○日○斜○每○依○北○斗○望○京○華○聽○猿○  
實○下○三○聲○淚○奉○使○虛○隨○八○月○槎○畫○省○香○爐○違○伏○枕○  
山○樓○粉○堞○隱○悲○笳○請○看○石○土○藤○蘿○月○已○映○舟○前○蘆○  
白○花○是○也○又○有○句○法○交○股○對○者○如○軸○轆○爭○利○涉○來○  
往○接○風○潮○以○風○潮○倒○對○軸○轆○以○來○往○倒○對○利○涉○亦○  
因○平○仄○不○調○故○交○對○以○取○其○諧○聲○耳○又○如○王○介○甫○

詩○春○深○葉○密○花○枝○少○睡○起○茶○多○酒○盞○疎○以○上○句○第  
四○个○密○字○對○下○句○尾○疎○字○以○上○句○尾○少○字○對○下○句  
第○四○个○多○字○交○互○用○之○所○謂○蹉○對○也

牙鎖格首聯一事叫起中聯而領聯上句起第五句  
下句起第六句。頸聯或順應或倒應如老杜懷古  
詩○群○山○萬○壑○赴○荆○門○生○長○明○如○舊○有○村○一○去○紫○臺○  
連○朔○漠○獨○留○青○塚○向○黃○昏○畫○圖○省○識○春○風○面○環○珮○  
空○歸○月○夜○魂○千○載○琵琶作胡語分明怨恨曲中論  
此順應也又如呈寶使君詩向晚微波綠連空岸  
脚○青○日○兼○春○有○暮○愁○與○醉○無○醒○漂○泊○猶○杯○酒○踟○蹰○

此驛亭相看萬里別同是一浮萍此倒應也。

折腰格一句中第三字是斷故謂之折腰如歐詩靜  
愛竹時來野寺獨尋春偶過溪橋盧贊元雪詩想  
行客過梅橋滑免老農憂麥隴乾是也。

偷春格首聯對而頷聯不對五言如老杜對月詩無  
家對寒食有淚如金波斫却月中桂清光應更多  
此離放紅藥想像顰青娥牛女漫愁思去聲秋期猶

度河七言如崔顥黃鶴樓詩昔人已乘白雲去此  
地空餘黃鶴樓黃雀一去不復返白雲千載空悠  
悠此聯嚴羽所謂晴川歷歷漢陽樹芳草萋萋鸚鵡



洲日暮鄉關何處是。烟波江上使人愁。是也。而詩起二句係對舉。謂之偷看格。如梅花偷春色而先開也。

蜂腰格。凡律頷聯不對。却以二句叙一事。而意與首二句相貫。至頷聯方對者。謂之蜂腰體。言若已斷而復續也。五言如太白秋浦歌。秋浦猿夜愁。黃山堪白頭。青溪非隴水。翻爲斷腸流。欲去不能去。薄遊成久遊。何年是歸日。兩淚下孤舟。七言如清江寄李尹詩。陌上涼風槐葉凋。夕陽清露濕寒條。登樓望月楚山。上月到南樓。山獨遙。心送情人超鳳

闕目隨陽雁。極烟霄。軒車不重。無名客。此地誰能  
訪寂寥。是也。此爲律詩之變。必天動神解。情景俱  
到。方佳。非可輕學。

應字格。首聯立二字。領聯分應之。如老杜。吹笛秋山  
風。月明誰家巧。作斷腸聲。風飄律呂相和切。月傍  
關山幾處明。是也。領聯以風月二字頂針作句。此  
格甚新。

詩家四格。一曰興。二曰意。三曰趣。四曰理。如太白別  
汪倫詩。桃花潭水深千尺。不及汪倫送我情。此興  
也。如王建宮詞。自是桃花貪結子。錯教人恨五更

風此意也。如呂溫戲題靈上人曰：君看池水湛然時，何曾不受花枝影。此趣也。如李涉上于襄陽曰：歇馬獨來尋故事，逢人惟說峴山碑。此理也。悟者得之，容心以求，或失之矣。

詩家八格前六聯言他事，至末方露題字者，曰歸題格。如王維歸嵩山詩：晴川帶長薄，車馬去閒閒。流水如有意，暮禽相與還。荒城臨古渡，落日滿秋山。迢遞嵩山下，歸來且閉關。是也。至末仍暗用題事，而不明用題字者，曰藏頭格。如魚玄機賦得江邊柳云：翠色連荒岸，烟姿入遠樓。影鋪秋水面，花落

銘人頭根老藏魚窟。枝低繫客舟。瀟瀟風雨夜。驚  
夢復添愁。是也。有中四句皆景物而實者。曰。四實。  
格。如李質日觀東房詩。洞霞飄素練。壁蘚畫陰窓。  
古木疑撐月。危峯欲墮江。是也。中四句皆情思而  
虛者。曰。四虛。格。如顧況早春詩。一家千里外。百舌  
五更頭。客路偏逢雨。鄉山不入樓。是也。推之前虛  
後實。前實後虛。不過於情景二字異名耳。如方干  
途中別友云。流年莫虛擲。華髮不相容。野渡波搖  
月。寒城雨翳鐘。此前虛後實也。如岑參宿客舍云。  
孤燈燃客夢。寒杵搗鄉愁。灘上思嚴子。山中憶許

由此前實後虛也。又有隱意隱字者。曰無題格。如李商隱詩。來是空言去絕蹤。月斜樓上五更鐘。夢爲遠別啼難喚。書被催成墨未濃。蠟燭半籠金翡翠。麝香數度繡芙蓉。劉郎已恨蓬山遠。更隔蓬山一萬重。是也。又八句皆失粘。曰失粘格。如岑參詩。嬌歌急管雜青絲。銀燭金杯映翠眉。使君地主能相送。河尹天明坐莫辭。春城月出人皆醉。野戍花深馬去遲。寄聲報爾山翁道。今日河南勝昔時。是也。此格最不便于吟咏。律詩貴流麗圓轉。一聯失粘。便覺詼咏不暢。然唐人大家往往有之。

四對格。四聯相對偶。五言如韋承慶詩。天晴上初日。

春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣四愁。是也。雖是四聯皆對。要令不失起結之體。乃可。又有前三聯皆對。末聯散。謂前三對格。如賀知章詩。常經絕脉塞。復見斷腸流。送子成今別。令人起昔愁。隴雲晴半雨。邊草夏先秋。萬里長城寄。無貽漢國憂。是也。又起聯散。後三聯對。謂後三對格。如薛瑩詩。藉草與行沙。相看日未斜。斷崖分鳥道。疎樹見人家。望遠臨孤石。吟餘落片霞。野情看不足。歸路思猶賒。是也。又有俱不對格。四聯皆散。如僧皎然詩。移

家雖帶郭野徑入桑麻。近種籬邊菊。秋來未著花。  
扣門無犬吠。欲去問西家。報道山中出。歸來每日  
斜。是也。此詩外如不整中實應節爲一意體。

巧對格如雁兒爭水馬燕子逐樵烏經來白馬寺僧  
到赤烏年野禽啼杜宇山蝶夢莊周簾額低垂紫  
燕忙密脾已滿黃蜂靜花間燕子棲鵲竹下鷓  
鴒繞鳳凰皆工綴而不嫌傷巧也。

平仄各押韵格如章碣野望詩東南路盡吳江水。正  
是窮秋墜葉天。鷗鷺不嫌斜水岸。波濤欺得逆風  
船。偶逢島寺停帆看。深羨漁翁下釣船。今古若論

英達第鴟夷高興最無邊。每句上句自一仄韵下句自一平韵。變體中最新者也。但船船兩用。且藥相連。不應失點檢。

借韻格亦謂之假對。如厨人具雞黍。稚子摘楊梅。

羊杓杞因我有雞。栖奈爾何。杓作根非生下土葉

不墜秋風。夏下作如子雲清自守。今日起為官。是假

對又子規夜啼山竹裂。王母晝下雲旗翻。假王母

規又如眼穿長訝雙魚斷。耳熱何辭數爵頻。爵通

進退韵格一進一退出入而韵如元稹四皓詩集由

昔避世堯舜不得臣。伊呂雖急疾湯武乃可君。四



賢無爲者。千古名氛。顯晦有遺跡。前後疑不倫。  
等句。臣倫在真字韵。君氲在文字韵。是也。

倒字押韵格。如星河盡涵泳。俯仰迷下上。愛汝玉山  
草堂靜。高秋爽氣相鮮新。居隣化郭古寺空。杏花  
兩株能白紅。閉門長安三日雪。推書撲筆歌慨慷。  
祇今年才四十五。日後懸知漸莽鹵。上下新鮮紅  
白。慷慨鹵莽皆字倒。而於理無害者。亦隨韵叶之  
耳。

流水句格。其法兩句叙一事。亦謂走馬對如仰面貪  
看鳥回頭。錯應人忽聞哀痛詔。又下聖明朝長因。

送人去。憶得別家時。不知何處雨。便覺此間涼。又  
如羞。將短髮。還吹帽。笑倩旁人爲正冠。更爲後會  
知何日。忽漫相逢是別筵。遙知楊柳是門處。似隔  
桃花無路通。有客重尋鑑湖酒。無人爲上剡溪船。  
書來慰我臨池上。秋去思君到水頭。皆唐人佳句  
也。又有上三下三者。如鳳凰樂奏鈞天曲。烏鵲橋  
通織女河。又有上四下三者。如金馬朝回門似水。  
碧雞天遠路如年。有直書句者。如鄭縣亭子澗之  
濱。一去三年竟不歸。是也。

錯綜句格。卽倒裝句也。王維詩。落日鳥邊下。秋原人

外閑本是日邊鳥下。原外人閒他句法倒轉。又如  
老杜紅稻啄餘鸚鵡粒。碧梧棲老鳳凰枝。若直叙  
之。則鸚鵡啄餘紅稻粒。鳳凰棲老碧梧枝。而以紅  
稻碧梧在上。鸚鵡鳳凰在下。此錯綜之也。溶溶院  
落梨花月。淡淡池塘柳絮風。如云梨花院落溶溶  
月。柳絮池塘淡淡風。便失之直致矣。又林下聽經  
秋苑鹿。溪邊掃葉夕陽僧。一千里色中秋月。十萬  
軍聲半夜潮。此等語不可不體會。

子母句格。一句內二字爲子母也。如竹疎烟補密。梅  
瘦雪添肥。曉荷重映晚秋草。碧於春。又如石燕拂

雲晴亦雨江豚吹浪夜還風。社日雨多晴較少。春風曉暖夜猶寒。桐陰午轉涼如夜。藕葉秋多却勝花。是也。

扇對格。凡詩四句。以第一句對第三句。以第二句對第四句。五六句以下如律。此近體之特異者。如戎昱七律詩。去年長至在長安。策杖曾簪獬豸冠。此歲長安逢至日。下堦遙想雪霜寒。扇對也。如老杜絕句。昔時花下留連飲。暖日天桃鶯亂飛。今日江邊容易別。淡烟荒草馬頻嘶。又有中聯扇對者。如白樂天詩。屈曲閒池沼。無非手自開。青蒼好竹樹。

亦是眼看裁是也。又有首尾扇對。中聯扇對。如明  
梁橋詩。夏來幽興。慙携酒問芳頻。昨日花前醉。青  
衫藉玉人。今霄月下飲。翠袖舞紅茵。老去流光易。  
乘時怡谷神。此首尾中聯俱扇對也。

對句格有正名對。如送酒東南去。迎琴西北來。有連  
綿對。望山山似峻。看水水長青。有異類對。如鳥飛  
隨去影。花落逐搖風。有迴文對。如親情由得意。得  
意還親情。有雙擬對。如議月每欺月。論花頻勝花。  
有雙聲對。如我出崎嶇。嶺君行礧礧。山有疊韻對。  
如疎雲雨滴瀝。薄霧雨朦朧。是也。

句中自對格。上下不必以虛實論。如江流天地外。山色有無中。有無何以對天地。只緣天自對地。有自對無。故虛實有不拘耳。又有桑麻深雨露。燕雀半生成。四年三月半。新筍晚花時。青袍白馬有何意。金谷銅駝非故鄉。木奴花映桐廬縣。青雀舟隨白鷺濤。高江急峽雷霆闕。古木蒼藤日月昏。是也。

律詩側律格。不用平韻而用仄韻。五言如王維詩。屋上春鳩鳴。村邊杏花白。持斧伐遠揚。荷鋤覘泉脉。新燕識舊窠。舊人看新曆。臨觴忽不御。惆悵遠行客。此詩起卽對七言。如溫庭筠詩。家臨長信往來。

道乳燕雙雙掠烟草油碧車輕金犢肥流蘇帳煖  
春雞報籠中嬌鳥曉猶睡簾外落花閒不掃衰桃  
一樹近前池似惜紅顏鏡中老是也

絕句側調格韵用仄聲五言如王昌齡詩開門望長  
川薄暮見漁者借問白頭翁垂綸幾世也用者也  
二字大奇七言如岑參詩洞房昨夜春風起遙憶  
美人湘江水枕上片時春夢中行盡江南數千里  
是也

七言仄起格此體隨興發端於文爲便古今多用之  
如元稹詩野人自愛幽栖所近對長松遠是山盡

日望雲心不繫。有時看月夜方閒。壺中天地乾坤。  
老夢裡身心。旦暮間。遼海若思千歲。霍且留城市。  
會飛還。是也。

仄對起格。初唐率用此體。蓋亦意興所至。不期偶而  
偶者。如蘇頲詩。降。霍。池。前。迴。步。輦。棲。鸞。樹。杪。出。行。  
宮。山。光。積。翠。遙。疑。逼。水。態。含。情。近。若。空。直。視。天。河。  
垂。象。外。俯。窺。京。室。畫。圖。中。皇。情。未。使。恩。波。極。日。暮。  
樓。前。更。起。風。是也。

平對起格。起句用韵。乃詩之正。然詞有偶合。因而成  
對。亦共天然之妙。比仄對起。尤爲流麗。如李適詩。



平陽金榜鳳凰樓。沁水銀河鸚鵡洲。綵仗遙尋丹  
壑裡。仙輿暫幸綠亭幽。前池錦石蓮花艷。後嶺香  
爐桂蕊秋。貴主稱觴萬年壽。還輕漢武濟汾遊。是  
也。

結句對格。如張說詩。靈池月滿直城隈。黼帳天臨御  
路開。東沼初陽疑吐出。南山曉翠若浮來。魚龍百  
戲紛容與。鳬鵲雙舟較。沂洄願以金堤。青草馥長  
承。瑤水白雲杯。是也。此亦文勢偶合。因而成對。要  
是收拾得住。方成結語。若勉強求對。收拾不住。則  
未完排律耳。豈是結法。

疊字格凡詩四句八句十句或以六句用疊字或以四句用疊字或全用疊字要自然其疊字不可單不可換方妙不然成俚語耳如王十朋貢院詩大厦垂垂就佳蓮得得開雙雙載千佛兩兩映三台歡意重重合香風比比來人人宜自勉舉舉有廷魁是也。詩用疊字最難疊字中最警語對屬尤不易工如老杜詩野日荒荒白江流泯泯清下句稍遜不若山市戎戎暗江雲淦淦音淦寒銖兩兩敵而駢偶天成

七言古律格律詩中帶古調與拘體不同如張志和

詩。八。月。九。月。蘆。花。飛。南。溪。老。人。垂。釣。歸。秋。山。入。簾。  
翠。滴。滴。野。船。倚。檻。雲。依。依。却。把。漁。竿。尋。小。徑。閑。梳。  
鶴。髮。對。斜。暉。翻。嫌。四。皓。曾。多。事。出。爲。儲。皇。定。是。非。  
是也。

七言絕句古體格如岑參詩泰山數點似青黛渭水  
一條如白練京師故人不可見寄將兩眼看飛燕  
是也。

拘體格律詩平仄不差則不失粘一失粘則爲拘體  
或句拘字拘亦爲拘體七言律詩中謂之吳體五  
言律亦有拘者止爲語句要渾成氣勢要頓挫則

換易一兩字平仄無害。然奇崛矯健，非大有筆力者不能作。故老杜居多。如老杜詩：掖垣竹埤梧十尋，洞門對雪常陰陰。落花遊絲白日靜，鳴鳩乳燕青春深。腐儒衰晚謬通籍，退食遲回違寸心。衣職曾無一字補，許身愧比雙南金。是也。此篇八句俱拘而律，呂鏗鏘試以微吟，或以長歌，其實文從字順也。吳體句法附見于下：清江碧石傷心麗，嫩蕊穠花滿目斑。珠簾綉柱圍黃鶴，錦纜牙檣起白鷗。此老杜句也。他如山谷：霜髭雪髮共看鏡，萸糝菊英同送秋。又後山：語鵲飛烏春悄悄，重簾深院晚

沉沉又簡齋。寒食清明愁客子。暖風遲日醉梨花。  
皆兩句中各自爲對。或以壯麗。或以沉鬱。或以勁  
健。或以閒雅。不能悉數。

賡和格。賡和詩次韵極難。他得情景發之爲詩。自佳。  
我次詩脚下走焉。能壓倒元白。必要另出新意。止  
要結語。或中聯歸着者。卽是如陸龜蒙咏薔薇詩。  
云倚牆當戶自橫陳。致得貧家似不貧。外布芳菲。  
雖笑日中含芒刺。欲傷人。清香往往生遙吹。狂蔓  
看看及四隣。遇有客來堪玩賞。一端情綺照烟新。  
皮日休次韵云。誰繡連延滿戶陳。暫應遮得陸家。

貧紅芳掩歛將迷蝶翠蔓飄飄欲挂人低拂地時  
如墮鳥高臨牆處似窺鄰祇應似董雙城戲剪得  
神霞寸寸新此次韻之最善者也

附詩家八病

沈約曰詩病有八曰平頭曰上尾曰蜂腰曰鶴膝四者

不可不知曰大韻曰小韻曰正紐曰旁紐四者尚非所重

所謂平頭者前句上二字與後句上二字同聲如  
古詩今日良宴會歡樂難具陳今歡同聲日樂同  
聲是平頭也又如朝雲晦初景丹池晚飛雪飄披  
聚還散吹揚凝其威四句上二字皆平聲是平頭

也。又如周王褒詩。高箱照雲母。壯馬餘當顱。單衣  
火浣布。利劒水精珠。四句疊用四物。而每物各用  
一虛一實字。面亦平頭也。又如杜摯詩。伊摯爲滕  
臣。呂望身操竿。夷吾困商販。寧戚對牛嘆。食其處  
監門。淮陰飢不餐。疊引古人。皆在句首。是亦平頭  
也。所謂上尾者。上句尾字與下句尾字俱用平聲。  
雖韵異而聲則同。是犯上尾。如古詩西北有高樓。  
上與浮雲齊。樓與齊皆平聲。又如庭陬有若榴。綠  
葉含丹榮。榴與榮亦平聲也。又一句尾字與三句  
尾字連用同聲。是亦上尾。如古詩客從遠方來。遺

我一書札上言長相思。下言久離別。來思皆平聲。  
又如新製齊紈素。皎潔如霜雪。裁爲合歡扇。團圓  
似秋月。素扇皆去聲。亦犯上尾矣。其在七律如杜  
詩。春酒杯濃琥珀薄。與誤疑茅堂入江麓。同係入  
聲。王維詩。新豐樹裏行人度。與聞道甘泉能獻賦。  
去聲。同韵。皆犯上尾也。又如杜秋興詩。西望瑤池  
降王母。東來紫氣滿函關。雲移雉尾開宮扇。日繞  
龍鱗識聖顏。王母函關宮扇聖顏俱在句尾。未免  
疊足。亦犯上尾。若林花著雨。胭脂落水。荇牽風翠  
帶長。龍虎新軍深駐輦。芙蓉別殿漫焚香。前聯拈



落長二字於句尾。後聯移深漫二字於上面。便不犯同矣。蔡寬夫詩話云。蜂腰鶴膝。蓋由於雙聲之變。若五字首尾皆濁音中一字獨清。則兩頭大而中間小。卽爲蜂腰。若五字首尾皆清音中一字獨濁。則兩頭細而中間粗。卽爲鶴膝矣。今按張衡詩。邂逅承際會。是濁夾清。爲蜂腰也。如傅玄詩。徽音冠青雲。是以清夾濁。爲鶴膝也。舊注以客從遠方來。上言長相思。爲鶴膝。意不分明。所謂大韵者。如微暉同韵。上句第一字。不得與下句第五字相犯。阮籍詩。微風照羅袂。明月耀清暉。是也。所謂小韵。

者如清明同韵。上句第四字不得與下句第一字相犯。詩云：薄帷鑒明月，清風吹我襟。是也。所謂正紐者，如溪起憇三字爲一紐。上句有溪字，下句再用憇字。庾闡詩：朝濟清溪岸，夕憇五龍泉。是正紐也。所謂旁紐者，如長梁同韵。長上聲爲丈。上句首用丈字，下句首用梁字，是亦相犯。詩云：丈夫且安坐，梁塵將欲起。此旁紐也。在七律如杜詩：遠開山嶽散，江湖山散爲正紐。如丈人才力猶強健，丈強爲旁紐矣。